

續文獻通考

明·王圻撰

526564

作

D691.5
△67
3

續文獻通考

第三卷


明·王圻撰



CS985837

現代出版社出版

一九九一年·北京



世行貸款師範項目圖書

續文獻通考卷之八十七

皇明進士雲間王圻纂輯

職官考 尚書總叙 吏部堂屬

尚書

宋度宗咸淳八年起居舍人高斯得奏六曹尚書選用宜在得人其畧曰尚書猶天之有北斗爲天秩古斟酌元氣運乎四時信乎其爲天下樞要也其長官則有令有僕射漢或以大將軍領尚書事其下有左右丞有六曹尚書蓋以萬機之繁故衆建官屬以綜理之章宗時章彪上疏謂天下樞要在於尚書間者多從郎官超陞此位彪特指六曹尚書耳若錄公及今僕乃百僚之長非續文獻通考卷之八十七

乙

四十五陸本

彪之所指也是時諸尚書多以苛刻爲能故又云天下樞要在尚書令超陞此位者徒耽習文法察察小慧而無大能夫樞要之地必忠厚純實知國家大體者然後可以綜理萬務補偏救弊爲國家輯安靜和平之福消苛澆刻覈之風也今之彌綸省局者固亦得人然章彪所言或尚有之又徘徊觀望不敢刺決使樞要之地壅塞不通此今日之大患也聖問所及敢不吐其狂愚伏乞 睿照

遼南面尚書省太祖嘗有左右尚書其後更設曰尚書令曰左僕射曰右僕射觀時曰左丞曰右丞曰左司郎中曰右司郎中曰左司員外郎曰右司員外郎

金

初尚書省設尚書令一員正一品總領紀綱儀刑端揆左丞相右丞相各一員從一品平章政事二員從一品爲宰相掌承天子平章萬機觀時曰左丞右丞各一員正二品參知政事二員從二品爲執政官爲宰相之貳佐治省事觀時曰左司郎中一員正五品員外郎一員正六品掌本司奏事總察吏戶禮三部受事付事兼帶修起居注官迴避其間記述之事每月朔朝則先集是月滿者爲簿名曰闕本及行止簿貼黃簿并官制同進呈御覽畢則受而藏之每有除拜凡尚書省所不敢擬注者則一闕具二三人以聽制授都事二員正七品掌本司受續文獻通考卷之八十七

二

四十五陸本

事付事檢勾稽失省署文牘兼知省內宿直檢校架閣等事右司郎中一員正五品員外郎一員正六品掌本司奏事總察兵刑工三部受事付事兼帶修起居注官迴避其間記述之事都事二員正七品所掌同左司初入朝時執政官親執奏目 天德二年詔以付左右郎中爲定制

尚書省祇候郎君管勾官從七品掌祇候郎君謹其出入及差遣之事 架閣庫大定二十一年六月管勾一員正八品同管勾一員正八品總掌察左右司大程官追付文牘并提控小都監給受紙筆餘管勾同女直省今史三十五人漢今史三十五人省譯史十四人女直譯史同通事八人高麗通事八人

史四人諸部通事六人曳刺提點歲賜所左右司郎中

二十人走馬郎中五十人提點歲賜出入錢幣之事堂食公使

員外郎兼之掌提點歲賜出入錢幣之事堂食公使

酒庫使一員從八品掌受給歲賜錢總領庫事副一員

正九品掌貳使事直省局局長從八品掌都堂之禮

及官僚參謝之儀副局長正九品掌貳局長管勾尚

書省樂工從九品

廢帝正隆二年九月罷尚書省直省令史出爲外官

元世祖至元七年立尚書省八年併入中書二十四

年復置詔天下除行省與中書議行餘並聽尚書省從

便以聞二十八年復罷武宗至大二年復立四

年復罷入中書省左右部架閣庫管勾二員典史十

續文獻通考卷之六十七

二人掌六部文卷簿籍架閣之事中統元年左右部

各置二十三年并爲左右部架閣庫

皇明

國初置六尚書非古也自秦變周法天下之事皆決丞相

府置尚書于禁中有令丞掌通章奏而已漢初因之職

屬少府自武帝游燕後庭時用宦者至宣元之後稍干

委任于是弘恭石顯相繼爲中書今專權邪僻三公特

受成事而已成帝時始置尚書五人一人爲僕射四人

爲四曹曰常侍曹三千石曹氏曹案曹後又置三公曹

是爲五曹及後漢光武親總吏職天下事皆上尚書與

人主參決乃下三府尚書公爲端揆之官又分爲六曹

凡庶務皆會而決之然尚書雖有曹名不以號迫臺

以侍中梁鵠爲選部尚書而曹名始見以後職權益重

部分日詳魏有吏部左民客曹五兵度支五尚書晉有

吏部三公客曹駕部屯田度支六尚書渡江以來定爲

吏部祠部五兵左民度支凡五尚書歷宋齊梁陳又加

都官凡六尚書類隨宜建置無有常典惟隋制準爲吏

戶禮兵刑工六部尚書歷唐宋相因不改然較之周官

六典猶有未盡協者蓋周典六卿分職不相混壓而隋

唐宋則爲尚書省之屬官故結銜云尚書某部某官其

稱尚書者省名也國初因前代之制置中書省設左

右丞相等官天下政事皆由之出其屬有四部分治錢

續文獻通考卷之六十七

穀禮儀刑名營造之務

太祖洪武元年始置吏戶禮兵刑工六部俱正三品衙門

定尚書正三品侍郎正四品每部設郎中員外郎主事

仍屬中書省至十三年鑒丞相胡惟庸等壅蔽真法革

中書省陞六部爲正二品衙門尚書正二品侍郎正三

品每部分四子部子部各設郎中員外郎主事于是中

書之政分于六部建文元年改六部爲正一品衙門

尚書正一品添設左右侍郎各一員正二品所屬諸司

僅有清吏二字皆除去成祖即位悉復洪武舊制

永樂元年陞北平爲北京總置行部設尚書二員侍

郎四員所屬吏戶禮兵刑工六曹清吏司郎中員外郎

主事各一員後既遷都又分置六部各稱行在其部
十八年 詔定都于北京除行在二字又革行部其舊
在南京者加南京二字 洪熙元年復稱行在仍設行
部于南京六部悉去南京二字 宣德三年仍革行部
正統六年于北京復除行在二字于南京仍加南京
二字至今遂爲定制兩京建置悉同但大政悉歸于北
其在南京官員悉從裁省

高皇帝下江南即置行中書省自領之即吳王位改置中
書省而於六尚書勢不遑設 洪武元年始備六尚書
皆正三品而侍郎正四品即中以下品秩有差而皆隸
中書省一仍元舊獨戶部事煩設三四科尚書尋亦罷

續文獻通考

卷之六十七

五

四百九十九

十三年丞相胡惟庸以專擅蒙蔽誅分其職於吏戶
禮兵刑工又分大都督府爲五而攝其樞要於兵部陞
尚書正二品左右侍郎正三品雖並稱政府而名位不
極事權不專 天子之威福無下移蓋隱然周世六官
之燬而獨冢宰不制國用司徒不掌邦教以此小異耳
建文朝歸重左班以故進尚書正一品增設侍中正
二品侍郎品如故欲以擬五都督之上而權輕位崇遷
拜太驟識者以爲未然至 文皇即 大位而悉更從
洪武之舊矣是時改北平改 燕國爲北京設行部尚
書以總布按二司事行都督府總都司事 永樂四年
上狩北京討北虜經畧定鼎之業雖備行在九卿印

以從然 皇太子以元良監國大小庶務悉以委之唯
封爵大辟及除拜三品文武職六科都給事中以聞而
戶部主糧餉兵部主軍旅禮部主朝儀始以行在尚書
夏原吉方賓呂震扈從而九卿印務往往今原吉兼攝
是時六部致本猶在南 十七年而 皇太子歸 青
宮以 皇太孫留守南京六部政悉移而北 十八年
行在六部落行在字諸九卿大小省署之留者皆稱南
京 洪熙元年 天子留意豐鎬九卿大小之在南者
皆落南京字而六部復稱行在 宣德三年始定如永
樂 弘正以還內閣日益重而六尚書日益輕然老臣
勲業稍重加三孤 東宮三師若吏兵之長猶能與之

續文獻通考

卷之六十七

六

四百九十九

抗至分宜之得政江陵之當國則部臣唯唯聽命矣
初六部之屬吏部曰總部司封司勲考功後改文選驗
封稽勲考功 洪武二十九年并五部屬皆稱清吏司
建文去清吏字靖難後復故戶部曰民度支金倉四部
二十三年改十二部浙江江西湖廣陝西廣東山東
福建北平河南山西四川廣西量其繁簡兼領京畿而
以雲南隸陝西建文改民度支金帛倉庾四司靖難後
復故 永樂元年改北平司爲北京司十九年革北京
司增雲南貴州交趾三司 宣德十年革交趾司禮部
曰儀祠膳主客四部改儀制祠祭精膳主客兵部曰司
馬職方駕庫四部改武選軍駕武庫職方刑部曰憲比

司門都官四部洪武二十三年改十二部如戶部建文

為詳憲比議職門都官四司靖難後復故比平雲南貴

州交趾改置如戶部工部曰營廣水屯四部改營繕廣

衛都水屯田又改將作司為營繕所隸工部

洪武祖訓有曰自古三公論道六卿分職並不曾設立

丞相自秦始皇置丞相不旋踵而亡漢唐宋因之雖有賢

相然其間用者多有小人專權亂政今我朝罷丞相

設五府六部都察院通政司大理寺等衙門分理天下

庶務彼此頡頏不致相壓事皆朝廷總之所以穩當

以後子孫做皇帝時並不許立丞相臣下敢有奏請

設立者文武群臣即時劾奏將犯人凌遲全家處死

續文獻通考

卷之八十七

七

李夢陽曰國制文極六曹天造不論夏原古憲義經綸

惴惴文皇北征國是全屬三楊士奇縉縉當省坐臻

太平君佚臣勞所謂代天之相英廟之遇文達李密

畫顯斷萬幾精覈局體一變成化間三原經王河州王草

縣王封丘居則岳屹動則雷擊大事斧斷小細海王黃

帷幄倭幸請劍必殛使見之者畏聞之者懾斯其人死

生富貴足動之狀然較之天順以前則殊矣時與位不

同耶委任權力殊耶弘治中華容劉廷洪洞韓鈞陽文

升靈寶謝陽曲盧氏金陵倪安福王學成稱名卿然

志存納約行在精審苟濟其事小枉安焉局體又一變

矣雖形迹罔異義遵矯直亦運數然歟

吏部堂屬

遼北面有南樞密院掌文銓視吏部而部族丁賦之政亦

與焉蓋不專於吏部也南面吏部置官曰尚書曰侍

郎曰郎中曰員外郎其下屬官未詳

金吏部尚書一員正三品侍郎一員正四品郎中二員從

五品員外郎二員從六品掌文武選授封勳考課出給

制誥之政以賢行效勞比任者之賢否以行止文冊貼

黃簿制名闕之機要正七品以上以名上省聽授從七

品以下每至季月則循資格而擬注自八品以上則奏

以下則否侍郎以下皆為尚書之貳郎中一員掌文武

選流外選用官吏差使行止名簿封爵制誥一員掌封

續文獻通考

卷之八十七

八

給酬賞承襲用廢循遷致仕考課議謚之事員外郎分

判曹務及參議事所掌與郎中同主事四員從七品掌

知管差除校勘行止分掌封勳資考之事惟選事則通

署及掌受事付事檢勾稽失省署文牘兼知本部宿直

檢校架閣餘部主事自受事付事以下所掌並同此皇

四年六部主事始用漢士人大定三年用進士非特旨

不得擬吏人如宰執奏人并不入常例承安五年增

女直主事一員今史六十九人內女直二十九人譯史

五人通事二人與令史同泰和八年令史增十人

架閣庫大定二十一年六月管勾正八品掌吏兵兩部

架閣兼檢校吏部行止以識女直契同管勾一員官

誥院提舉二員掌署院事以吏部郎中翰林審官院不

屬吏部承安四年設大安二年罷之若知院一員從三

品掌奏駁除授失當事

隨朝六品外路五品以上官除授並送本院審之補闕拾遺監

察亦送本院或御批送京部除不送

同知審官院事一員從四品掌書四

人女直漢人各二人以御史臺終場舉人充

吏部選授之制自太宗天會十二年始法古立官至天

眷元年頒新官制及天德四年始以河南北選人並赴

中京吏部各置局銓注又命吏部尚書蕭願定河南北

官通注格以諸司橫班大解并大將軍合注差人依年

例一就銓注餘求仕人分四季擬授遂爲定制貞元

二年命擬注時依舊今求仕官明數謂面不許就本鄉

若衰病年老者毋授繁劇處世宗元年勅從八品以

下授除不須奏聞又制求仕官毋入權門違者追一官

續文獻通考

卷之六十七

九

四百五十九

降除有所覲獻而受者奏之二年詔隨季選人如無

過或有功酬者依格銓注有廉能及汙濫量約陞降呈

省七年命有司自今每季求仕人到部今本部體問

政跡出衆者及賊汙者申實以聞量約陞擢懲斷年老

者勿授縣今又謂宰臣曰隨朝官能否大率可知若外

路轉運司幕官以至縣今但驗資考其中縱有忠勤廉

絜者無路而進是此人終身不敢望三品矣豈進賢退

不肖之道自今通考視其能否以定陞降爲格又曰今

用入之法甚弊其有不求聞達者入仕雖久至三四十

年官不離七品而新進者結朝貴致顯達此豈示激勸

之道卿等當審于用人以革此弊時青州防禦使常範

輝上言吏部格法止叙年勞是以雖有才能拘于法而

不得陞以致人才多滯下位又刺史縣令親民之職多

不得人乞加體察然後公行廉問庶使有懼心且今酒

稅使尚選能者况承流宣化之官可不擇乎自今宜以

能吏當任酒使者任親民之職從之十年上謂宰臣

曰守令以下小官得民不能徧知聞百姓或請留者類

皆不聽凡小官得民悅上官多惡之能承事上官者必

不得民悅自今民願留者許直赴部告呈省遣使覆實

其績果善可超陞之如丞簿陞縣令之類以示激勸

二十六年以關官勅見行格法合降資歷內三降兩降

各免一降一降者勿降省今譯史合得縣今資歷內免

續文獻通考

卷之六十七

十

四百五十九

錄事及下縣今各一任密院今史三考以下者同前免

之臺部宗正府統軍司今譯史合歷縣今任數免下今

一任外今右職文資諸科合歷縣今亦免一任當過檢

法知法三考得錄事者已後兩除一差明昌三年上

曰舊制每季到部求仕人識字者試以書判不識者問

以疑難二事體察言行相副者其今自今隨季部人並

今依條試驗宰臣奏曰既體察知與所舉相同又試中

書判若不量與陞除無以示勸遂定制若隨朝及外路

六品以上官則隨長任用外路正七品官擬陞六品縣

令一等除授任滿合降者免降從七品以下於各等資

歷內減兩任擬注以後體察相同即依已陞任使若體

察不同者本等除授若見任縣令陞中上令者并掌錢穀及丁憂去者候解由到部諸局分人亦候將來出職日準上擬注猛安謀克擬依前提刑司保舉到陞任例施行時嘗令隨門戶減一資歷七年勅復令如舊泰和元年上以縣令見守闕近者十四月遠者十六月又以縣令簿丞員缺不相副勅省臣右選官見格散官至明威者注縣令宣武者注丞簿雖曾犯選格及虧未者亦注是無別也遂定制曾犯選格及虧未者廣威注令明威注簿丞衛紹王大安元年以縣令闕少令初上中下今者與其闕可令再注簿丞一任俟員闕相副則當復舊宣宗貞祐二年以播越流離官多闕權命河朔續文獻通考卷之十七

十一 四百零九

諸道宣撫司得擬七品以下尋以所注吏部不知李放之闕多至重復乃奏罷之時李英言兵興以來百務煩冗政在用人舊雖有四善十七最之法而拔擢蔑聞幾為徒設大定間以監察御史及審錄官分詣諸路考覈以擬號為得人可依已試之効庶幾使人自勵詔從之三年戶部郎中與屯阿虎言諸色遷官並與女直一體而有司不奉妄生分別以至上下相疑詔以違制禁之初宣宗之南遷也詔吏部以秋冬於南京春夏於中都置選而赴調者憚于北行率皆南來遂併於南京設之三年命汰不勝官者令五品以上官舉今季赴部人內先擇才幹者量緩急易之興定元年詔有司議或

冗員又詔自今吏部每季銓選差女直漢人監察各一員監視又盡罷前紀罪降除截罷及承應未滿解去而復為隨處官司委使者又定制權依劇縣例俱作正六品今隨朝七品外路六品以上職事官舉正七品以下職事官年未六十無公私罪堪任使者歲一人仍令兼領樞密院彈壓之職以鎮軍人凡有司不得差占及凌辱決罰到任半年委巡撫體訪具申籍記又半年覆案考滿日分等陞用如六事備為上等陞職一等四事為中等減二資歷其次下等減一資歷不稱者截罷凡省選之制皇統八年以上京僻遠始命詣燕京擬注歲以為常貞元遷都始罷是制其常調制正七品兩任續文獻通考卷之八十七

十二 四百一十

陞六品六品三任陞從五品從五品兩任陞正五品正五品三任陞刺史凡內外官皆以三十月為考隨朝官以三十月為任陞職一等自非制授尚書選在外官命左司移文勾取承安三年始命置簿勾取大定十五年制凡二品官及宰執樞密使不理任每及三十月則書于貼黃不及則附于缺滿簿內外三品官以五十月為任泰和三年制凡文資右職官應選三品職事者五品以上歷五十月六品以下及門廕雜流職事至四品以上而散官應至三品者皆歷六十月方許告遷七月自按察使副依舊三十月理考外內外四品以四十月理考通十月遷三品泰和八年詔以門廕官職事至四品

者甚少自今至刺史而散官應至三品者即許告遷三品此省選考之制也

元吏部尚書掌天下官吏選授之政凡職官銓綜之典吏員調補之格勲封爵邑之制考課殿最之法皆屬焉

世祖中統元年以吏戶禮爲左三部尚書二員至元年

年以吏禮自爲一部七年始列尚書六部十三年

分置吏部尚書後定置尚書三員正三品侍郎二員正

四品郎中二員從五品員外郎二員從六品主事爲吏

部首領三員正七品屬吏有今史知印秦差等人

順帝至元三年伯顏太師等奏准吏部考功郎中員外郎

主事各設一員至正元年吏部又置司績一人正七

續文獻通考卷之八十七

十三

四

子

品掌百官行止以憑叙用襲膺

皇明

本朝置吏部即古選部也自秦置尚書以來漢成帝設常

侍曹主公卿事後漢光武改爲吏曹主選舉祠祀至靈

帝又改爲選部及魏更漢命又改爲吏部專主選舉事拜

陳群爲吏部尚書建九品官人之法其制益詳歷晉宋

梁陳凡選舉皆尚書主之迨隋置侍郎貳尚書之事則

六品以下銓補多歸之唐承隋制吏部統總部司封司

勲考功四曹沿及趙宋相因不革然皆爲尚書省屬官

與周官冢宰掌邦治之意固有間矣國初遠稽唐宋

置六部衙門並屬中書省洪武十三年革中書省罷

丞相使政歸六部分理每部分四子部各設郎中員外

郎主事如周官六卿各率其屬而治吏部四子部曰總

部曰司封曰司勲曰考功二十二年改總部爲選部

二十九年又改選部爲文選司封爲驗封司勲爲稽

勲考功仍舊俱稱清吏司未爲定制凡天下官吏選授

勲封考課之政令俱吏部掌之而吏部尚書之蒙簡

命禮數特異其勲勞茂著則三孤是加及其卒也往往

三公是贈而申之以易名之典自罷丞相以後而統百

官均四海之責在吏部固甚重也未樂初肇建內

閣選翰林官入直然皆講讀纂修備顧問而已比後楊

士奇等加至三孤領尚書職猶不得專制外事而品叙

續文獻通考卷之八十七

十四

四

子

列憲義夏原吉之下其參謀密勿商確大政蹇夏居多

則不以內閣歷六部之意明矣况吏部爲百官之首

而內閣自景泰以前未有加兼吏部尚書者自王文

以易儲由左都御史陞吏部尚書兼學士入閣遂爲後

例然皆以資勞叙遷亦未有陞至吏部尚書理部事而

又入內閣者故弘治初年南臺薦王恕可入內

閣上曰朕用蹇義王直故事委恕吏部若有謀議亦

無不聽則官至尚書不可復入內閣固定制也至

正德初年逆瑾用事吏部尚書焦芳交結逆瑾取入

內閣而劉宇輩各以附瑾相繼由尚書入直自是遂以

尚書爲入內閣階梯至今沿而不變勢則然也

本部尚書一人左右侍郎各一人其屬司務二人文選
驗封稽勲考功四清吏司文選郎中一人員外郎一人
主事二人驗封郎中一人員外郎一人主事一人稽勲
郎中一人員外郎一人主事一人考功郎中一人員外
郎一人主事二人吏四十五人監生六十七人

尚書掌官吏選授勲封考課之政令侍郎爲之貳凡
制命敷奏率其屬奉其職以贊天子倡百司康兆民
司務省署抄目受發文移五日一奏上三月引監生勤
奏登選諸司務皆如之文選掌官吏選陞改調之事以
贊尚書凡選歲引選六類選亦如之遠方選二朝覲之
歲棟選一歲貢選教職者無常期選庶吉士會翰林院
續文獻通考卷之八十七

十五

禮部

子

禮部御史會都察院凡陞父滿考不能久任不待考滿
曰推陞類推上一人取旨單推上二人三品以上九
卿及僉都御史祭酒廷推上二人或三人內閣吏
部尚書勅推上二人或三四人皆請旨以署職試
職實授真年資以裁革并省兼攝添設註選量繁簡以
薦舉起廢徵召違傷異以帶俸添注寄恩冗以降調除
名馭罪過以官程勤吏治以寧假息人情其入選賢良
方正聰明正直孝悌力田經明行修博學宏詞孝廉人
材秀才耆民稅戶諸科並革曰進士曰舉人曰歲貢曰
官生恩生功生曰吏員承差知印書篆篆文譯字醫藥
天文地理匠人畫工僧道咸登者簿籍其流品平其注

續文獻通考卷之八十七

十六

禮部

子

擢不得相先後王官不外調王姻不內除大臣之
族不得任科道族有僚屬者下避上傳陞者執不可奏
其弊也有納粟馬銀乞遠方之例遠方不得銓府佐州
縣正驗封掌封爵襲蔭襲贈吏等之事以贊尚書凡公
侯伯開國靖難討虜捕倭擒及者外戚恩澤闕里大宗
徵其誥券嫡孽功罪封號祿爵第其世流降除之等
請上裁以土流馭吏官以誥勅授封贈進階貤
封加贈追奪勳愆良以歷叙錄任子以等級給散官以
考撥差胥等以須知訓入官稽勲掌勳級名籍喪養之
事以贊尚書凡五品上文官再考授勳凡百官黃類登
內府有故除之凡三年喪解職糾奪喪禁短喪謫匿
喪欽天監奔喪三月復凡父母老七十鮮兄弟得終養
更名名有諱復姓姓無漏名姓更復必登版考功掌官
吏考課黜陟之事以贊尚書凡內外官給由三年初考
六年再考並引請九年通考奏請綜其稱職平常不稱
職而黜陟之陟無過二等大臣不註考倉場庫官一年
考巡檢三年考教官及流外冗官九年考覈其功過而
黜陟之陟無過一等惟舉人教官得引選試陞陞無等
遠省府同知下三六年省考九年部考京官五品下已
亥年考察不職者除名調降致仕有差四品上自陳去
留聽上外官辰戌丑未年考察不職者亦如之內外
官有劾章下品其良不肖擬去留請大臣自陳下亦如

之王官長史審理紀善考察如京官南京庶官初考引復再考南京吏部類報大臣再考亦引請外官九年僅一考即稱陞減一等吏二考覈冊移驗封承差覈冊移文選吏三考及知印考第其資格引選凡乞致仕者不限年聽京官七十外官六十五致仕大臣奏聽上文官請養祭贈謚者按其滿考被劾與否報所司必俾公議以閒劇量殿最以旌異廉政績以貢舉搜遺逸以保留達民情以紀錄懲過以謫戍糾罷閒官吏

英宗天順年間 召大學士李賢 諭曰如今各邊革去

文武巡撫十分狼狽軍官縱肆貪暴士卒疲憊卿爲

朕舉進才能者用之賢因請曰遼東宣府大同延綏寧

績文獻通考

卷之八十七

十七

四

子

夏其肅要人最急 上復曰卿與王翱馬昂商議權選

務在得人且曰多舉數人擇而用之賢退明日議推十

二人以進 上遂定浙江布政白圭在遼東山東布政

王宇在宣府僉都御史李秉在大同監察御史徐瑄在

延綏山西布政陳豐在寧夏陝西布政黃劍在甘肅俱

以京官巡撫其地又吏部左侍郎孫弘聞喪 上召賢

曰孫弘豈勝吏部賢曰誠如 聖諭蓋弘以知縣考滿

赴京爲中國公石亨鄉里囑望京官又以奉迎功陞工

部侍郎復極力謀得今職士林耻之 上又恐其謀奪

情即令守制復 召賢曰吏部侍郎乃天下人物權衡

非他部可比必得其人先生以爲誰可賢曰以在朝觀

之無如禮部二人可擇一人用之上復問其優劣賢

曰鄒幹爲人端謹但規模稍狹姚夔表裡俱稱有大臣

之量 上曰然遂用之士皆稱悅有禮部郎中李和託

一釋子鳴權近來爲侍郎議論紛然 上以問賢賢對

不知 上悟其意復問吏部尚書王翱亦不甚許他日

以學士李紹對 上復問賢賢曰此公論也 上意遂

決明日 奉天門朝畢 召吏部諭令除紹爲禮部右

侍郎 英廟留心親擢用如此則吏部不得專而亦不

敢有所私矣

世宗嘉靖四年七月吏部奏御史孫元席春皆當路子弟

宜改官 上命爲僉事春兄書邀張聰桂萼排贊宏而

績文獻通考

卷之八十七

六

四

子

乞授館職遂 命春爲修撰變爲編修科臣鄭一鵬劾

奏 上切責之九年御史胡効才以父璉爲都御史

乞避職 上曰大臣子弟避臺諫輒改翰林陰私積弊

也今後止與京職著爲令

穆宗隆慶元年吏部尚書楊博題爲天下郡邑衝僻煩簡

不同有逸而得譽有勞而速謗既乖黜陟之宜遂啟趨

避之徑今品第上中下三等推陞選補量材授任不惟

視等以爲歲月之遲速仍視第以爲官資之高下每省

摠括數語以陳其弊細列等差以盡其詳庶實政修而

成功可課 上詔餘曹奉行 五年吏部言國家用人

不得官于本省以其有民社之責也若學倉驛遞閘壩

等官其所司者不過訓誨出納之常供應啟閉之役初無民社之寄而又其官甚卑其家甚貧一授遠地或棄官而不能赴或去任而不能歸零丁萬狀其情可矜近例教官係邊遠人者得授本省地方甚以為便乞令前項雜流得視此為例酌量隔府近地銓補從之

今上萬曆二十六年科臣曹大咸奏尚書孫丕揚創立掣籤之法人服其公第舉省而分東南西北則啓侍實擇籤而定用舍予奪則關私門職以為倣會試例設為南北中三等其福建廣東廣西雲南貴州地方在兩者屬南籤其北直山東山西河南陝西地方在北者屬北籤南直浙江江西湖廣四川地方在中央者屬中籤南人

續文獻通考

卷之六十七

十九

四庫全書

子

掣南北人掣北中人掣中則土俗民情既無扞格而卑官下吏又免跋涉亦云當矣乃進士而當科貢之缺科貢而當進士之缺又覺不便當權南上南下北上北下中上中下六簡就中斟酌才品分別議取如科貢有才望者亦令掣上簡如進士有物議者亦令掣下簡如偶遇本省之籤不妨稟明另掣又如府首領州縣佐貳官秩卑俸薄情為可念即如教職近例雖偶掣本省之籤亦聽其便者漢時州郡徵辟從事宋時太守自置寮屬皆在境內前事足師率而行之可使民俗亦可以弭選司之謗矣 六月吏部覆言三等未便合分籤為東西南北四簡東北則北直山東為主而以河南之汝彰歸

衛南直之廬鳳淮揚附之為一簡東南則南直隸浙江福建廣東為主而以廣西之梧州平樂桂林三府附之為一簡西北則陝西山西是已而中州之懷慶開封河南南陽湖廣之鄖陽一府勢屬西偏應附之為一簡西南則湖廣四川雲南貴州是已而廣西之柳州南寧慶遠潯州太平五府悉屬南土應附之為一簡或有起復調簡或值地僻缺孤或一時人浮于缺不妨于四簡之中量借附近地方以通掣籤之窮科貢考選前三名使得與進士同掣優缺其餘舉監仍與有議進士一槩抽選則民情土俗無扞格之患卑官下秩無跋涉之虞矣至 領佐貳咸有錢穀詞訟之責除授本省易起嫌

續文獻通考

卷之六十七

子

四庫全書

疑以教職照例 上從之 四月 上諭吏部司官近來營幹濫入作弊多端但源既不清流豈能潔以致選舉非人病國殃民傷和召灾實由此輩着本部堂上官會同都察院將在任在家人數俱甄剔去留及應陞應調的都寫來看後司員缺令各部院掌印官擇舉中外堪用的數員俱聽吏部選用吏部官員待朕親自點用茲著為令未遑遵守 十一月吏部申明會推之法 上曰用人卿部專職宜詳加斟酌品第以俟 朕裁科道官職司彈劾不許會舉若九卿有推舉不當的着他每從實糾正不許徇私欺罔

續文獻通考卷之八十七終

續文獻通考卷之八十八

皇明進士雲間王圻纂輯

職官考 戶部 禮部 兵部 刑部

戶部堂屬

遼北面有北南大王二院分掌部族軍民之政視戶部其官北院曰北院大王曰知北院大王事曰北院太師曰北院太保曰北院司徒曰北院司空曰北院郎君南院同其屬有北院都統軍司掌北院從政之軍令官曰北院統軍使曰北院副統軍使曰北院統軍都監有北院詳穩司掌北院部族軍馬之政令官曰北院詳穩監治長官曰詳穩曰北院都監曰北院將軍曰北院小將軍有北院

續文獻通考卷之八十八

四十七

院都部署司掌北院部署軍民之事官曰北院都部署曰北院副部署南院並同 南面戶部尚書下侍郎耶

中員外郎並同吏部

舊戶部有度支郎中而遼南面中京設度支使司官曰度支使曰知度支使事曰度支副使曰同度支使事曰度支判官不屬戶部以其職同附此

金戶部尚書一員正三品侍郎二員正四品郎中二員從

五品

貞祐四年八員後祿六員

員外郎三員從六品郎中而下皆以

一員掌戶籍物力婚姻繼嗣田宅財業鹽鈔酒麵香茶

磬錫丹粉坑冶權場市易等事一員掌度支國用俸祿恩賜錢帛寶貨貢賦租稅府庫倉廩積儲權衡度量法

續文獻通考卷之八十八

二

四十三

式給授職田拘收官物并照磨計帳等事員放增主事五員從七品女直司二員通掌戶度金倉等事漢人司三員同員外郎分掌曹事員數增減不同兼提控編附條格管勾架閣等事架閣庫管勾一員正八品掌戶禮兩部架閣大安以主事各兼同管勾從八品檢法從八品勾當官五員各八品員元二年設幹辦官十員從七品三年置四員尋罷之四年更設為勾當官專提控支納管勾覆勘經歷交鈔及香茶鹽引照磨文帳等事員數增減不同

元戶部尚書三人階三品掌天下戶口錢糧田土之政令

九貢賦出納之經金幣轉運之法庶藏委積之實物貨

貴賤之直欵散堆駁之宜悉以任之 中統元年以吏

戶禮為左三部 至元元年分立戶部尚書三人 二

十二年定六部尚書以二員為額明年以戶部所掌視他部特煩增置二人後復省一人侍郎二人郎中二人

員外郎三人品秩與吏部同主事八人比他部獨多以戶部事煩也司計官四人至正中以戶部事煩後增置

二人諸吏不錄所屬附見後

都提舉萬億寶源庫掌寶鈔玉幣至元二十五年始置

都提舉一員正四品提舉一員正五品同提舉一員從

五品副提舉一員從六品知事從八品提控案牘一員

吏下不錄

都提舉萬億廣源庫掌香藥紙劄諸物設官同多提控

案牘一員

都提舉萬億綺源庫掌諸色段匹設官同多副提舉一員

都提舉萬億賦源庫掌絲綿布帛諸物設官同多提控案牘一員

四庫照磨兼架閣庫管勾一員從九品世祖至元二十八年以四庫錢帛事煩始置仍給印

提舉富寧庫至元二十七年始創提舉一員從五品同提舉一員從六品副提舉一員從七品分掌萬億寶源庫出納金銀之事

諸路寶鈔提舉司達魯花赤都提舉各一員正四品副

續文獻通考卷之八十八

三

三百九

達魯花赤提舉各一員正五品同提舉一員從五品副

提舉二員從六品知事一員從八品照磨一員從九品

提控案牘各一員官皆至元以後所定

寶鈔總庫達魯花赤一員從五品大使一員從五品副

使三員正七品至元二十五年改元寶庫爲寶鈔庫秩

正六品二十六年陞從五品增大使副使設司庫

印造寶鈔庫達魯花赤一員正七品大使二員從七品

副使二員正八品中統四年始置秩從八品至元二十

四年陞從七品達魯花赤一人

燒鈔東西二庫達魯花赤一員正八品大使一員從八

品副使一員從九品至元元年始置緡鈔庫用正九品

印置監收緡鈔官二十四年分立燒鈔東西二庫

行用六庫中統元年初置提領二員從七品大使一員從八品副使一員從九品至元二十四年京師改置庫

三曰光熙曰文明曰順承二十八年又置三庫曰建德曰和義曰崇仁並因城門爲名

大都宣課提舉司掌諸色課程併領京城各市提舉二員從五品同提舉一員從六品副提舉一員從七品提

控案牘一員司吏六人至元十九年并大都舊城兩稅務爲大都稅課提舉司武宗至大元年改宣課提舉司其屬四

馬市猪羊市提領一員從七品大使一員從八品副使

續文獻通考卷之八十八

四

三百九

一員從九品至元三十年置

牛驢市果木市品秩設官同上

魚鱉市大使一員副使二員至大元年置

煤木所提領一員從八品大使一員從九品副使一員

至元二十一年置

大都酒課提舉司掌酒醋權酤之事至元十九年置提

舉一員從五品同提舉二員從六品副提舉二員從七

品提控案牘二員二十八年省同提舉一員副提舉一

員餘如故

抄紙坊提領一員正八品大使一員從八品副使二員

從九品中統二年始置用九品印止設大使副使各一

員至元二十七年陞正八品增置提領副使各一員
印造鹽茶等引局大使一員副使一員至元二十四年
置掌印造腹裏行省鹽茶鑒鈔等引仍置攢典庫子各
一人

右以上俱屬戶部其萬億四庫元初以太府掌內帑之
出納既設左藏等庫而國計之領在戶部仍置萬億等
庫爲收藏之所中統元年置庫官六員而未有品秩俸
給至元十六年始爲提舉萬億庫秩正五品二十四年
改陞都提舉萬億庫秩正四品二十五年分立四庫以
分掌出納至二十七年又別立富寧庫

度支監掌給馬駟芻粟卿三員正三品太監二員從三
續文獻通考卷之八十八

五 四百十一

品少監三員從四品監丞二員從五品經歷二員知事
一員提控案牘一員照磨兼管勾一員國初置李可孫
至元八年以重臣領之十三年省李可孫以宣徽兼其
任至大二年改立度支院四年改爲監此不屬戶部以
度支附焉

皇明

本朝置戶部尚書非古制也自漢成帝置尚書五曹其三
爲民曹主財帛委輸并吏人上書事至魏文帝置度支
尚書專掌軍國支計吳有戶部晉有度支皆主筭也宋
及齊梁度支尚書領度支金部倉部起部四曹隋開皇
三年改度支爲民部統度支民部金部倉部四曹唐承

隋制不改永徽初年避廟諱改民部爲戶部顯慶元年
又改爲度支龍朔二年又改爲司元大常伯咸亨元年
復舊光宅元年又改爲地官龍朔元年復舊沿宋及元
相因不改然皆爲尚書省屬官與周官大司徒掌邦教
之任固不同矣至我朝太祖高皇帝定鼎之初
猶沿唐制設戶部尚書侍郎之職掌天下戶口田糧政
令仍屬中書省洪武十三年革中書省陞六部每部
分四子部各設郎中員外郎主事于是戶部其屬有四
曰民部曰度支曰金部曰倉部二十三年爲天下之
庶務浩繁欽改爲十二部曰浙江江西湖廣陝西廣
東山東福建北平河南山西四川廣西各令清理一布

續文獻通考卷之八十八

六

四百十七

政司戶口錢糧等事仍量其繁簡帶管直隸府州每一
部內仍分爲民度金倉四科以領其事二十九年又
改十二部爲十二清吏司求爲定制永樂元年改比
平爲北京清吏司十九年定酌北京華北京清吏司
增雲南貴州交趾三清吏司宣德十年革交趾清吏
司附十三司帶管凡十三司所屬布政司府州縣地理
人物圖志所載古今沿革山川險易戶口多寡與凡徭
役職貢之方經費調給之筭藏貨贏儲之准悉咨尚書
侍郎而奉行其制命是罷丞相以後戶部之職雖沿
襲于度支而掌建邦土地之圖與其人民之數固隱然
大司徒之任矣歷永樂洪熙宣德間夏原吉以

戶部尚書恭謀密勿加至少保領尚書事即成周三公領六卿之職之遺也 正統以來委任日隆凡戶部尚書加至宮保者後先相望第承平既久國家多事加之水旱頻仍邊儲告乏其所以酌盈濟虛類非有心計者不足勝此而一二壞事之臣復乾沒其間其甚也輕變成法使百十餘年邊計廢于一旦猶爲國有賴乎惟戶部改置北京肇自永樂辛丑其總督京都及通州諸處倉場初 命司屬理之而柄持內豎自宣德五年 命李昶爲戶部尚書專督倉糧遂爲定制以後不拘尚書侍郎惟資秩相應者 命之 嘉靖十五年 世宗垂意農事又 命兼督西苑農事而委任視昔尤加重

續文獻通考

卷之八十八

七

置官

萬曆二年題准將戶部空閑主事另委一員陪庫每日公同管庫主事收放銀兩季終更替毋得仍委京倉主事致妨倉務

戶部尚書一人左右侍郎各一人提督倉場侍郎或尚書一人其屬司務二人浙江江西湖廣陝西廣東山東福建河南山西四川廣西貴州雲南十三清吏司各郎中一人員外郎一人主事一人添設浙江湖廣廣東福建河南四川廣西貴州司各主事三人山東司郎中一人主事三人陝西司郎中二人主事三人山西司郎中三人主事四人雲南司主事四人照磨所照磨一人檢一人監生六十三人吏百七十八人所屬衙門寶鈔

提舉司一人副提舉一人典史一人抄紙局廣積庫承運庫廣盈庫太倉銀庫各大使一人節慎庫印鈔局寶盈局御馬倉張家灣檢校批驗所各大使一人副使一人寶鈔庫惠庫賊罰庫各大使一人副使二人甲乙丙丁戊字庫大使五人副使六人吏四十八人外承運庫行用庫軍儲倉大使二人副使一人

尚書掌戶口田賦貢役經費之政令而侍郎爲之貳凡制命敷奏率其屬奉其職業以贊 天子倡百司康兆民照磨檢校典磨勘俸糧同其計筭 十三司各掌其分省及兼領京師直隸之事以贊尚書條爲四科曰民曰支曰金曰倉類理之以周知其地理古今沿革山

續文獻通考

卷之八十八

八

置官

川險易肥瘠寬狹民生物力多寡登耗之數凡賦役稽版籍一歲會實徵十歲攢黃冊冊有丁有田丁有役田有租田曰官田曰民田凡二等租曰夏稅曰秋糧凡二等丁曰成丁曰未成丁凡二等役曰甲役曰徭役曰雜役凡三等皆有力役有催役計其丁田爲差凡鹽存積十二常股十八召商輸芻粟佐邊十八次支十二見支商毋銀輸竈毋銀賦私鹽毋速盜公鹽毋歸豪有力者凡須祿俸糧廩兼本折色本色毋過十六折色毋過十五凡漕運曰支兌曰改兌支兌十八改兌十二凡貯粟曰京倉曰通倉京倉十八通倉十二凡歲銀曰內帑曰太倉內帑十二太倉十八其沒貲也太倉十一內帑十

續文獻通考卷之八十八

九

四

九凡蠲征曰恩蠲曰災蠲恩蠲十一災蠲十九凡五農
曰屯田曰營田屯田十八營田十二凡賑濟曰出帑曰
發倉出帑十一發倉十九凡邊儲曰田賦曰鹽賦田賦
十六鹽賦十四主兵常支客兵乍支其贏也曰糴熟詘
也曰預借曰空運邊有行即中曰邊即掌出納邊儲五
歲勅科道各一人覈糾乾沒以墾荒業貧民以占籍附
流民以畸零寄細民以馴野馭羈縻之民以圖帳抑兼
弁之民以折銀劑米值以平米均田耗以布帛歛庸調
以桑棗課農官以芻地給馬牧以里老攝鄉社以律法
嚴訓防以給除差優復以珍異儲上供以鈔錠給公賞
以限田裁異端以賜田懷降虜以封閉密砂磧以金穀

禮部堂屬

遼北面以敵烈麻都司掌禮儀視禮部其設官見典儀下
南面有禮部尚書下侍郎郎中員外郎並同吏部
金禮部尚書一員正三品侍郎一員正四品郎中一員從
五品員外郎一員從六品掌禮樂祭祀燕享學校貢舉
儀式制度符印表疏圖書冊命祥瑞天文漏刻國忌廟

諸醫卜釋道四方使客諸國進貢犒勞張設之事主事
二員從七品

左三部檢法司司正二員正八品掌批詳法狀與定三
平三部
額外設檢知法
及掌法四年罷
檢法二十二員從八品掌檢斷各司取
法文字

惠民司令從六品掌修合發賣湯藥直長正八品都監
正九品屬禮部舊設一員大定三年有司言惠民歲
入息錢不償官吏俸乃減丞一員

元禮部尚書三員侍郎二員郎中二員員外郎六員品秩
與吏部同掌天下禮樂祭祀朝會燕享貢舉之政令凡
儀制損益之文符印簡冊之信神人封謚之法忠孝貞
義之褒送迎聘好之節文學僧道之事婚姻繼續之辨

續文獻通考卷之八十八

十

四

音藝膳供之物悉以任之 世宗中統元年以吏戶禮
為左三部置尚書二員侍郎二員郎中二員員外郎六
員總領三部之事 十三年始別為禮部 二十三年
六部尚書侍郎郎中員外郎定以二員為額 成宗元
貞元年復增尚書一員領會同館事主事二員諸吏不
錄所屬附見

右三部照磨所秩正八品照磨一員掌吏戶禮三部錢
糧計帳之事典吏八人

侍儀司秩正四品掌凡朝會即位冊后建儲奉上尊號
及外國朝覲之禮至治前官員改置不一後定制侍儀
使四員正三品引進使知侍儀事二員正四品首領官